




ÅRSMELDING FOR BRUKTBUO

Bruktnuo

La bruktnuo bli bruktnuo

Styret har i 2018 bestått av:

Leiar: Bodil Samnøy

Sekretær: Victoria Dale

(Dagleg leiar for Fusa frivilligsentral)

Styremedlem: Mariell Roald

Styremedlem: Kjersti Henanger

Varamedlem: Olaug Bjørndal

Varamedlem: Gerd Edith Boge

Styret har i løpet av året hatt tre styremøter, i tillegg til årsmøte.

«Nokons skrot er andres skattar».



Om butikken:



Bruktnuo er ein bruktbutikk som heldt til i hjarta av Eikelandsosen. Her arbeider omkring 40 frivillige medarbeidrarar.

Dei heldt butikken open tre dagar i veka (torsdag –lørdag).

Me tek i mot brukte/ubrukte varer og sel dei vidare til ein rimeleg penge. Overskotet av det me tenar går til to ulike formål. Det er Fusa sokneråd sitt barne og ungdomsarbeid, og Children's burn & Wound care foundation.

Sistnemnte er ein stiftelse av den norske kirurgen Einar Eriksen.

Hans stiftelse heldt til i Etiopia kor han hjelper og opererer brannskadde born.

Me har ein tett kontakt med Einar og dei andre tilsette i CBWCF.

Dei har blant anna vore innom på besøk til oss fleire gongar i løpet av året.



Det er Fusa frivilligsentral som står som eigar av Bruktbuo.

Det er likevel eit eige styret som tek seg av saker og medarbeidarsamlingar.

Dagleg leiar for frivilligsentralen har det administrative ansvaret for butikken. Medarbeidarane er sjølv flinke å stiller opp og skriv seg opp på vakter i butikken.



Brukbuo er like mykje ein samlingsplass som ein butikk.
Her har me ein kaffikrok kor folk kan setje seg ned å ta ein kopp kaffi og slå
av ein prat.

Ein gong i månaden blir det på initiativ av dei frivillige arrangert [tysdagsklubb](#).
Den heldt til 2.tysdagen i månaden. Her samlast dei som vil til eit to timers
handarbeidstreff, kor ein kan spørje kvarandre om hjelp, synge litt, drikke
kaffi og skravle i veg mens strikkepinnane går.

Dette gode arbeidet som blir gjort i Etiopia har
mange av medrabeidarane i Bruktbuo fått eit
brennande engasjement for.

Det blei derfor i 2017 kome opp med ein idé på
tysdagsklubben om å lage til basar med gevistar
av restegarn og halvferdig håndarbeid som kjem
inn i brukbutikken.

Det blei dermed arrangert ein storlått basar
hausten 2017, der det kom inn 94.000 kroner.

Desse pengane gjekk til innkjøp av
hudtransplanteringsmaskiner.

Dei frivillige lot seg ikkje stoppe med denne
basaren.



Abera er er finance & amd.manager for
CBWCF, samt dr. Einar Eriksen si
høgrehand.

BASAR 2018

Ut på nyåret i 2018 fortsette frivillige med å stikke og sy av garn/håndarbeid som kom inn i butikken. Det blei dermed arrangert ein ny basar hausten 2018.

Gymsalen ved Fusa vidaregåande blei fyld med folk i alle aldrar.

Det blei visa bileter og fortald historiar frå Etiopia, og det blei heile 5 omgongar med fleire hundre gevinstar.

Dette takka vere frivillige medarbeidarar i butikken, og andre rundtom på bygdene i Fusa som har levert inn gevinster.

Det var medarbeidarane som stod for kaffimat, åresal og sjølve tilstellinga.

Me fekk tilsaman inn heile 91.000 kroner.

Desse pengane kjem til god nytte til oppgradering av nytt stellerom og badebenk på sjukehuset i Hagere Mariam i sør Etiopia.



Det kjem stadig inn varer på lageret i Bruktbuo. Det blir derfor ca. ein gong i månaden arrangert ein ryddedag kalla **kundefridag**. Den heldt til om måndagen frå 10-13. Då stiller medarbeidarane opp å rydde, vasker, køyrer boss og omublerer i butikken. Me har alltid ein felles lunsj rundt klokka 12, kor me ofte drøfte ulike temaer.



Det er ikkje alle som har moglegheit å bringe og hente alle varerne til og frå butikken. Det har dermed hendt nokre gonger i løpet av 2018 at me har måtte hente varer frå f.eks dødsbo og andre. Samt bringe varer til kunder. Det er då godt å ha gode medarbeidrarar som hjelper til å køyrer og bærer på varer.



Sidan juni i 2018 har me hatt med oss ei ung jente i butikken. Ho har hatt seg eit friår frå skule der ho har hatt lyst til å prøve seg litt på arbeidslivet og finne ut vidare kva ho vil. Denne jenta har vore ein resurs for oss. Ho blei raskt kjend med kassen, er sterk og ein ekpert på å skru saman møblar. Gjennom tida hos oss har ho utvikla seg positivt på fleire områder, dette takka vera gode medarbeidrarar som har teke henne godt i mot og fått lat ho få prøve seg fram.

Medarbeidarsamling

I juni månad blei alle medarbeidarane invitert på medarbeidarsamling/sommarfest hos Astrid Heidal på Nordtveit. Då var me nokre å 20 personar som tok turen. Alle hadde med seg litt mat som me sette på eit felles bord. Her blei det dermed mykje god mat, litt song, diskusjon av ulike utfordringer, ordet fritt og sjølvsagt mykje god stemning. I haust hadde me også ein medarbeidarsamling i Bruktbuo. Medabridarsamlingane er ein viktig arena der ein kan kome saman og drøfte ulike problemstillingar, samt at dei frivillige kan få kome med innspel.





Walk & Run



Laurdag 2.juni var det for 2.gong duka for Walk and Run i Eikelandsosen.

Einar og Lillian Rose Eriksen, samt ein tilsett i CBWCF var på plass i Eikelandsosen denne solfylte dagen. Dette blei ein festdag med opning av Eikelandsfjorden musikklag, fellesstart, idrettslagsstafett, politisk parløp, sal av verdens dyraste pølse, brannvesnet i Fusa redda opp kyrkjeverja frå sjøden. Damene i Bruktbuo sto for 300 boller, kaffi og saft.

Det vart seldt loddar til basaren og me hadde litt ekstra tilbod i butikken denne dagen. Guttekubben Noah var på plass å selde pølser. I tillegg var det fleire barnehagar og skular som hadde arrangement og mini Walk and Run. Alt dette til inntekt til Childrens brun & Wound care foundation.

Tilsaman blei det samla inn nærmere 300.000 kroner!

ETIOPIATUR

Brukbuo har sidan 2012/2013 samla inn om lag kr.400.000,- til hjelp til brannskadde born i Etiopia.

I oktober var eit heilt reisefølgje på 34 peroner på tur til Etiopia i regi av Fusa sokneråd. Med på turen var også dagleg leiar og fleire medarbeidrarar frå Bruktbuo. Tidlegare misjonærar i landet Jorunn og Osvald Hindenes var med som reiseleiarar.

Formålet med reisa var å besøke alle prosjekta som Fusa samfunnet har vore med å støtta. Med oss nedover hadde me koffertane fulle av tepper og babyklær som medarbeidrarar med andre har vore med å stikka i Bruktbuo.

Dette leverte me i frå oss på NLM sin hovudstasjon i hovedstaden Addis Abeba. Desse varme kleda skal kome mange babyar og mødrer til gode i ei by kalla Ginir, kor fleire skandinaviske jordmødrer arbeider.



Med om lag to dagar i buss frå hovudstaden Addis Abeba kom med til byen Hagere Mariam. Her ligg det einaste brannskadeavdelinga i sør-Etiopia. I området rundt bur det 1,5 millioner innbyggere som er tilkytta til dette sjukehuset.

På 1,5 år har dei gjennomført 300 operasjoner på sjukehuset i sør.

På Bruktbuo sin basar i fjor blei det samla inn om lag kr.94.000,- til ei Meshmaskin til sjukehuset i Hagere Mariam. Mesh-maskin er heilt nødvendig i arbeidet med å hjelpe brannskadde.

Når ein transplanterer eit hudstykke, så nyttar ein denne maskina slik at t.d. hudstykket vert femdobla i storleik. På sjukehuset i Hagere Mariam fekk heile reiseføle omvising på sjukehuset, samt vere med på ein storslott seremoni. Her var Etiopisk tv med, fylkesordførar, sjukehusdirektøren og fire ulike stammeleiarar. Fylkesordføraren takka for støtte til sjukehuset og for samarbeid - og presiserte kor mykje det betydde for dei i ein del av landet som er full av store utfordringar.



Med på turen hadde me også koffertane våre fulle av bamsar som er samla inn av Teddyekspressen (elevar ved Fusa ungdomskule)



På denne turen fekk me med eigne auge sjå at pengane var komne fram og komt til god nytte.

Det var ein tur med sterke inntrykk, fine opplevingar og minner som ein aldri vil gløyma.

Dette har gitt oss ein ekstra giv til å stå på med arbeidet for brannskadde born.

I løpet av hausten 2017 var det nokre elevar ved Fusa vidaregåande som hadde valfaget «design og redesign». Dei var dermed å plukka seg ut nokre varer i butikken som dei skulle redesigne. I februar/mars kom tilbake med varene og hadde dei utstilla nokre veker i Bruktbuo. Mykje kreativitet blant ungdommen!



Økonomi:

Det har i 2018 vore eit sal på 353.838 kroner.

Overskotet i 2018 enda på

75.000 kroner, som blir dela likt på dei to prosjekta.

I før julstida solgte me handukar laga av ei dama med namnet Lambrot. Ho var ei av dei første pasientane til Einar Eriksen.

Dette var ei fin alternativ julegåve. Me solgte handukar for 4700 kr.


Utgifter:

Dagleg leiar i frivilligsentralen nokre timer per veke på å administrere Bruktbuo. Grovt rekna bruker dagleg leiar omlag 30% av arbeidstida si til drift og personalarbeid i Bruktbuo. Styret gjorde eit vedtak i 2016 om å føra kr 30.000 frå Bruktbuo til Frivilligsentralen si drift, som administrasjonskostnader.

Diverse innkjøp blir det i løpet av året, som husholdningsartikler, kaffe/kaffemat, lys/ledning og utstyr til vev, tilsaman 8832 kroner.

Post, bank, data 6521 kr. Energiutgiftene er på omlag 28.777 kroner.

Avgifter 8745 kr. Husleige på kr 102.000, den er på 8500 kroner per månad. Dagsalet laurdag 20.oktober gjekk til tv-aksjonen (bymisjonen) på kroner 2100, det blei godkjent av styret.




Møtelokale

Det har i løpet av året blitt arrangert ulike møter i Bruktbuo. Blant anna i regi av frivilligsentralen og soknerådet. Det har blitt arrangert årsmøter, informasjonsmøter og bingokveld.



Hjelp til Romaia

Me har to gongar i løpet av 2018 sendt kler, sko og leikar til Romania.



Strikkegruppe

I løpet av hausten 2018, og våren 2019 har det vore ei gruppe med konfirmantar i Bruktbuo. Dei har hatt i oppdrag å strikke babyhuer. Det er ei frivillige dame som har hatt ansvaret for å følge dei opp.

Tusen takk

Tusen hjartelag takk til deg som står på å tar vakter, er serviceinnstilt, stikker/syr, ryddar, køyrer på varer og er med å heldt butikken vår ryddig og imøtekommande.

Takk til styret og frivillige som er med å gjera det mogleg å driva ein bruktbutikk og møteplass for alle aldrar!

Takk til de som kjem med varer til oss. De er med på å gjere butikken til eit skattekammer for kundar frå fjern og nær. Takk til deg som kjem å handlar oss oss.

Du gjer det mogleg å driva med overskot på brukte ting!

